

VENDIM
Nr. 55, datë 5.12.2016

**PËR SHPALLJEN E THIRRJES PËR FINANCIMIN E PROJEKTEVE, NGA GRANTI 1,
“INFRASTRUKTURA VENDORE DHE RAJONALE”, PROGRAMI I ZHVILLIMIT TË
INFRASTRUKTURËS VENDORE DHE RAJONALE, SHTYLLA I**

Në mbështetje të nenit 100 të Kushtetutës dhe të nenit 15, të aneksit 3, të ligjit nr. 147/2015, “Për buxhetin e vitit 2016”, Komiteti për Zhvillimin e Rajoneve

VENDOSI:

1. Shpalljen e thirrjes për financimin e projekteve nga Fondi për Zhvillimin e Rajoneve sipas shtyllave, programeve dhe granteve të financimit, si më poshtë vijon:

1.1 Granti 1: “Infrastruktura vendore dhe rajonale”, programi i zhvillimit të infrastrukturës vendore dhe rajonale, shtylla I, pjesë e Fondit për Zhvillimin e Rajoneve;

1.2 Drejtimet e thirrjes për financim janë për:

a) projekte që shërbejnë si katalizator i rivitalizimit të qytetit, përmes jetëzimit të hapësirave publike, shesheve dhe përmirësimit të aksesit e të lëvizshmërisë dhe të infrastrukturës rrugore, vendore dhe rajonale si dhe zhvillimit ekonomik lokal dhe rajonal.

2. Aplikimi për financimin e projekteve të përmendura në shkronjën “a”, të pikës 1.2, të këtij vendimi, bëhet nga njësitë e qeverisjes vendore, si dhe nga Agjencia Kombëtare për Zhvillimin Rajonal, agjencitë për zhvillimin rajonal nr.1, nr.2, nr.3 dhe nr.4, dhe nga Agjencia për Zhvillimin Ekonomik Rajonal, me marrëveshje partneriteti, të lidhur midis agjencisë dhe dy ose më shumë njësive të qeverisjes vendore, sipas afatit dhe shtojcës II, bashkëlidhur këtij vendimi.

3. Procedura e vlerësimit të projekteve të aplikuara kryhet nga sekretariati teknik, në Ministrinë e Zhvillimit Urban, sipas kriterëve të dhëna në shtojcën III, bashkëlidhur këtij vendimi.

4. Shpalljen e kërkesës për dërgim projektidesh për t’u konsideruar në kuadrin e hartimit të drejtimeve për thirrje dhe programit operacional 2017. Dërgimi i projektideve bëhet nga propo-zuesit, sipas afatit dhe shtojcës IV, bashkëlidhur këtij vendimi.

5. Ngarkohet ministri i Zhvillimit Urban për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYETARI
Niko Peleshi

Zëvendëskryeministri	Zëvendëskryetar;
Ministri i Financave	anëtar;
Ministri i Zhvillimit Ekonomik, Turizmit,	
Tregtisë dhe Sipërmarrjes	anëtar
Ministri i Zhvillimit Urban	anëtar;
Ministri i Transportit dhe Infrastrukturës	anëtar;
Ministri i Arsimit dhe Sportit	anëtar;
Ministri i Bujqësisë, Zhvillimit Rural dhe	
Administrimit të Ujërave	anëtar;
Ministri i Shëndetësisë	anëtar;
Ministri i Kulturës	anëtar;
Ministri i Mjedisit	anëtar;
Ministri i Punëve të Brendshme	anëtar;
Ministri i Shtetit për Inovacionin	
dhe Administratën Publike	anëtar;
Ministri i Shtetit për Çështjet Vendore	anëtar;
Kryetari i Shoqatës së Qarqeve të Shqipërisë	anëtar;
Kryetari i Shoqatës së Bashkive të Shqipërisë /	
Përfaqësuesi i Bordit të Agjencisë për Zhvillim Rajonal nr.1	anëtar;
Kryetari i Shoqatës për Autonomi Vendore /	
Përfaqësuesi i Bordit të Agjencisë për Zhvillim Rajonal nr.2	anëtar;
Përfaqësuesi i Bordit të Agjencisë për Zhvillim Rajonal nr.3	anëtar;
Përfaqësuesi i Bordit të Agjencisë për Zhvillim Rajonal nr.4	anëtar.

**Shtojca I: KALENDARI ME AFATET E APLIKIMIT DHE
VLERËSIMIT TË PROJEKTEVE**

Afati	Institucioni përgjegjës	Aktiviteti
Botimi në "Fletoren zyrtare"	Komiteti për Zhvillimin e Rajoneve	Hapja e thirrjes për projekte në grantin, programin dhe shtyllën e financimit, sipas pikës 1, të këtij vendimi.
19 Dhjetor	Aplikuesit sipas pikës 2, të këtij vendimi, si më sipër.	Dërgimi e aplikimeve nga aplikuesit, si më poshtë vijon: 1. Aplikimi <i>on-line</i> në faqen elektronike të e-albania: Shërbimi: Aplikimi <i>on-line</i> për FZHR-në https://e-albania.al/sherbimi.aspx?kodi=7203. - Ose 2. Aplikimi me shkresë zyrtare (postë ose dorazi), ku dosja e plotë e aplikimit (në CD) dërgohet pranë sekretariatit teknik përkatës, si më poshtë vijon: a) Shtylla 1 - "Programi i zhvillimit të infrastrukturës vendore dhe rajonale", - granti 1: "Infrastruktura vendore dhe rajonale", sekretariati teknik pranë Ministrisë së Zhvillimit Urban Pranë Sekretariatit të Përgjithshëm për Zhvillimin e Rajoneve, në Kryeministri, <u>nuk dorëzohen dosjet e aplikimit por vetëm pranë sekretariatit teknik.</u>
5 ditë pune nga mbyllja e aplikimit	Sekretariati teknik përkatës	Vlerësimi i projekteve të aplikuara sipas pikës A, shtojca III.
	Sekretariati teknik përkatës	Sekretariati teknik paraqet zyrtarisht pranë Sekretariatit të Përgjithshëm listën e projekteve që propozohen për financim.
5 ditë pune nga përfundimi i vlerësimit nga sekretariati teknik	Sekretariati i Përgjithshëm i KZHR-së (Njësia e Zhvillimit dhe Planifikimit Strategjik)	Në bashkëpunim me sekretariatit teknik organizon mbledhjen e Komitetit për Zhvillimin e Rajoneve

Shtojca II:**FORMATI I APLIKIMIT PËR PROJEKTET SI EDHE PËR PROJEKTIDE****Ky format plotësohet për të gjitha projektet dhe projektidetë**

Aplikuesi (*)	Përcaktohet automatikisht nga sistemi.
Data e aplikimit (*)	Përcaktohet automatikisht nga sistemi.
Titulli i projektit (*)	
Shtylla e financimit (*)	Të përcaktohet për cilën shtyllë aplikohet. (sipas aneksit 3, të ligjit nr.147, datë 17.12.2015, "Për buxhetin e vitit 2016")
Programi i projektit (*)	Të përcaktohet për cilin program aplikohet. (sipas aneksit 3, të ligjit nr.147, datë 17.12.2015, "Për buxhetin e vitit 2016")
Granti i projektit (*)	Të përcaktohet për cilin grant aplikohet (sipas aneksit 3, të ligjit nr.147, datë 17.12.2015, "Për buxhetin e vitit 2016")
Data e fillimit të projektit (*)	
Data e mbarimit të projektit (*)	
Përshkrimi i projektit (*)	Të bëhet përshkrim i detajuar i projektit të propozuar, duke përmbytur informacionin e mëposhtëm, por jo vetëm: - Vendndodhja e objektit të investimit; - Përshkrimi i kushteve të objektit ekzistues (nëse ka) dhe terrenit, si dhe nevojës për këtë projekt; - Përshkrimi i punimeve/ndërrhyrjeve të reja (sistem ngrohjeje, mur rrethues etj.) në objektin ekzistues (nëse ka); - Cilat janë problemet që adreson ky projekt dhe shkalla e ndikimit të tij; - Risqet për zbatimin e tij; Informacion i qartë në lidhje me pronësinë e tokës (nqs parashikohet ndërtimi i një objekti të ri), nëse krijon vonesa në zbatimin e punimeve, krijon kosto shtesë (kosto e shpronësimit), kush e mbulon koston e shpronësimit, si edhe dokumentacioni përkatës.
Qëllimi dhe objektivat (*)	Të paraqitet qëllimi i përgjithshëm i projektit si dhe objektivat specifike të tij.
Numri i përfituesve (*)	Të jepet numri i popullsisë që përfiton drejtpërdrejt dhe tërthorazi nga zbatimi i projektit në total. Vlera e dhënë të shoqërohet me shpjegim për secilën kategori përfituesi.
Rendi prioritar (*)	Në rastet e aplikimit të më shumë se një projekti për të njëjtin program, renditini projektet sipas prioritetit/nevojës për ndërhyrje (numri 1 për shumë prioritar, numri 2 për më pak prioritar e kështu me radhë).
Qëndrueshmëria e projektit (*)	Të përshkruhet, nëse për këtë projekt aplikuesi parashikon dhe deklaron (në formular) se mbulon: - Koston për mirëmbajtjen e projektit, pas zbatimit të tij.
Fondet e kërkuara nga Fondi për Zhvillimin e Rajoneve (*)	Në rast se projekti nuk ka bashkëfinancim nga njësitë qendrore, njësitë vendore apo nga donatorë, kostoja që kërkohet është e njëjtë me koston totale të projektit.
Kontributi në rast bashkëfinancimi nga njësia e qeverisjes vendore	Paraqitni nivelin e bashkëfinancimit, në rast se projekti ka bashkëfinancim nga njësi qendrore, vendore, donatorë apo nga Fondi Shqiptar i Zhvillimit
Financim nga donatorë (opsionale, nqs ka donatore)	Të jepet vlera e donacionit në monedhën lekë.

Financime të tjera (opsionale, nqs ka donatore)	Të jepet vlera e financimit në monedhën lekë.
Kostoja totale e projektit (*)	
Projekti ka një analizë kosto-përfitim të cilësisë së mirë (Opsionale)	Po/Jo
Përmbledhje e analizës kosto-përfitim	Të paraqitet një përmbledhje e shkurtër e analizës kosto-përfitim, nëse ka një të tillë
Projekti ka një vlerësim të ndikimit në mjedis të cilësisë së mirë (Opsionale)	Po/Jo
Deklarime. (*)	Aplikanti deklaron se: i. projekti është gati për zbatim (pra nëse i disponon të gjitha dokumentet që nevojiten për zbatimin e tij) dhe koha kur mund të fillojë dhe të përfundojë procedura e prokurimit publik dhe kur mund të fillojë dhe të përfundojë zbatimin i punimeve; ii. Projekti është në listën e projekteve/nevojave të parashikuara nga institucioni përkatës, është pjesë e planeve vendore të zhvillimit, dhe/ose të investimeve. Me miratimin e financimit, autoriteti kontraktues siguron pajisjen me të gjitha lejet e nevojshme për zbatimin e projektit, sipas legjislacionit të fuqi. iii. Janë zbatuar çmimet e referencës dhe legjislacioni në fuqi për përllogaritjen e kostos dhe vlerës financiare të projektit.
Dokumentet teknike, etj. (*)	Projekti përmban: - projektin teknik/projektin e zbatimit - preventivin - argumentimin teknik - përllogaritje/parashikim të kostove të mirëmbajtjes së investimit
Koordinatat e projektit (*)	Të hidhen koordinatat e vendndodhjes së projektit, sipas sistemit të gjeoreferencuar, në formë teksti
Foto – Gjendja ekzistuese (*)	Imazhe në formatin .jpeg ose .pdf
Pamje 3 dimensionale (*) i detyrueshem përveç programit “Shqipëria dixhitale”	Imazhe në formatin .jpeg ose .pdf

SHËNIM: Dërgimi i aplikimeve, sipas afatit:

1. Aplikimet për projekte duhet të bëhen:

- a) Aplikimi *on-line* në faqen elektronike të e-albania. Shërbimi: Aplikimi *on-line* për FZHR-në (<https://e-albania.al/sherbimi.aspx?kodi=7203>.)

Ose

- b) Me shkresë zyrtare (postë ose dorazi), së bashku me dosjen e plotë të aplikimit të hedhur në CD, pranë sekretariatit teknik përkatës.

Shtojca III:

KRITERET E VLERËSIMIT TË PROJEKTEVE QË PROPOZOHEN PËR FINANCIM (Shtylla 1 e financimit: Zhvillimi vendor dhe rajonal)

A. Kriteret e vlerësimit teknik për projektet

Këto kriteret përdoren nga sekretariatet teknike për të vlerësuar teknikisht projektin dhe në bazë të tyre kryhet vlerësimi, **maksimalisht, me 100 pikë**. Kriteret 1, 2 dhe 3, detajohen në nënkriteret përkatëse teknike, nga sekretariati teknik i ngritur pranë Ministrisë së Zhvillimit Urban, sipas aneksit 3, të ligjit nr.147, datë 17.12.2015, ligjit nr.147/2015, “Për buxhetin e vitit 2016”.

Kriteret për vlerësimin e projekteve që propozohen për financim, si më poshtë vijon:

1. Cilësia teknike dhe kostimi, vlerësimi financiar i projekteve të propozuara nga njësitë e qeverisjes vendore. Ky kriter vlerësohet nga **0 deri në, maksimalisht, 25 pikë**.
2. Përputhja me politikën, drejtimit e thirrjes dhe vendimet e Komitetit për Zhvillimin e Rajoneve. Ky kriter vlerësohet me **0 deri në, maksimalisht, 20 pikë**.
3. Ndikimi i projektit në promovimin e potencialeve të qyteteve, përmirësimit të qendrave dhe jetës komunitare, lehtësimit të aksesit dhe ndërveprimit midis zonave urbane e rurale, ndërlidhjes rajonale, ndikimit në zhvillimin lokal dhe rajonal, përmirësimin e hapësirave publike, aksesit dhe infrastrukturës së lëvizjes, cilësisë së jetës etj. Ky kriter vlerësohet me **0 deri në, maksimalisht, 25 pikë**.
4. Niveli i ulët i riskut për zbatimin e projektit, bazuar në elemente të përshkrimit të projektit që orientojnë mbi riskun e mundshëm në prokurimin publik, zbatimin me sukses të projektit dhe përdorimin në kohë të fondeve publike. Ky kriter vlerësohet me **0 deri në, maksimalisht, 10 pikë**.
5. Qëndrueshmëria e investimit nga projekti, që lidhet me faktin nëse janë parashikuar kosto mirëmbajtjeje për projektin në vazhdimësi, të cilat do të merren përsipër nga institucioni aplikues. Ky kriter vlerësohet me **me 0 deri në, maksimalisht, 10 pikë**.
6. Niveli i bashkëfinancimit nga njësitë e qeverisjes qendrore apo vendore apo fondet e donatorëve. Ky kriter vlerësohet me **me pikë nga 0 deri në, maksimalisht, 10 pikë**.

SHËNIM – Procesi i vlerësimit

1. Vlerësimi teknik, ligjor, dhe financiar i projekteve, në zbatim të ligjit për buxhetin, dhe vendimeve të Komitetit për Zhvillimin e Rajoneve, kryhet nga sekretariati teknik, pranë Ministrisë së Zhvillimit Urban, sipas kriterëve teknike të përcaktuara në këtë shtojcë, bashkëlidhur vendimit.
2. Sekretariati teknik i paraqet Sekretariatit të Përgjithshëm të Komitetit për Zhvillimin e Rajoneve, listën e plotë të projekteve që propozohen për financim, në përfundim të procesit të vlerësimit.
3. Sekretariati i Përgjithshëm i Komitetit për Zhvillimin e Rajoneve, në bashkëpunim me sekretariatit teknik, merr masat për organizimin e mbledhjes së Komitetit për Zhvillimin e Rajoneve, sipas komunikimit zyrtar të sekretariatit teknik.

Shtojca IV:

FORMATI I PROPOZIMIT PËR PROJEKT-IDE

Ky format plotësohet për të gjitha projekt-idetë

Propozuesi (*)	
Data e propozimit	
Titulli i projektidesë	
Shtylla e financimit	Të përcaktohet për cilën shtyllë aplikohet. (sipas aneksit 3, të ligjit nr.147, datë 17.12.2015, "Për buxhetin e vitit 2016")
Granti i projektidesë	Të përcaktohet në cilin grant mund të përfshihet projekt-ideja e propozuar (sipas aneksit 3, të ligjit nr.147, datë 17.12.2015, "Për buxhetin e vitit 2016")
Qëllimi dhe objektivat	- Përshkruani shkurtimisht qëllimin e projekt-idesë, problematikën që ajo adreson, si dhe argumentimin se si projekt-ideja u përgjigjet nevojave të identifikuara. - Listoni objektivat e mundshëm që synon të arrihen me realizimin e kësaj projekt-ideje.
Përshkrimi i projektidesë	Të bëhet përshkrim i përgjithshëm i projekt-idesë së propozuar, duke përmblotur informacionin e mëposhtëm, por jo vetëm: - Vendndodhja e zonës të investimit të mundshëm (shoqëruar me hartë); - Përshkrimi i ndërhyrjeve të mundshme në zonën ku mund zbatohet projekti;
Koordinatat e projekt idesë	- Të jepen koordinatat e vendodhjes së projekt-idesë, sipas sistemit të gjeoreferencuar, në formë teksti,
Konteksti i zhvillimit rajonal dhe lokal	- Përshkruani nëse projektideja lidhet me projekte të tjera të financuara më parë nga FZHR-ja, dhe rëndësia komplementare e investimit. - Përshkruani lidhjen e projektidesë me strategjinë territoriale dhe të zhvillimit të njësisë vendore, dhe/ose rajonale (nëse ka). - Përshkruani nëse impakti i projektidesë është rajonal, lokal dhe ndikimin që ka në fuqizimin e zhvillimit të rajonit, dhe/ose zhvillimit lokal.
Grupet/Numri i përfituesve	Përshkruani grupet e synuara dhe numrin e përafërt të popullsisë që përfiton drejtpërdrejt dhe tërthorazi nga zbatimi i projektidesë në total.
Rezultatet e pritshme	Përshkruani rezultatet e pritshme nga mundësia e realizimit të kësaj projektideje.
Kohëzgjatja e projektidesë	Jepni një kohë të mundshme të zbatimit të projekt-idesë së propozuar në rast financimi.
Kosto paraprake, e pritshme, e projektidesë	Jepni kostot paraprake të projektidesë, të ndara me dy zëra: - Kosto e hartimit të projektit teknik. - Kosto e mundshme e realizimit (përfshirë TVSH)
Bashkëfinancues	Në rast se projektideja ka mundësi të bashkëfinancohet nga njësitë qendrore, njësitë vendore apo nga donatorë, listoni bashkëfinancuesit e mundshëm.
Kostoja totale e projektidesë (përfshirë TVSH)	
Aplikimi për projektidetë sipas pikës 4, të këtij vendimi, si më sipër, ka afat datën 10 Janar 2017.	

SHËNIM – Qëllimi i kërkesës për projekte

1. Kërkesa për dërgim projektidesh, bëhet në kuadër të hartimit të programit operacional 2017 – 2018 si dhe përcaktimit të drejtimeve të financimit për vitin 2017
2. Propozues janë subjektet e përcaktuara në Aneksin 3, të ligjit nr.147/2015, "Për buxhetin e vitit 2016", përkatësisht, njësitë e qeverisjes vendore, si dhe Agjencia Kombëtare për Zhvillimin Rajonal, agjencitë për zhvillimin rajonal nr.1, nr.2, nr.3 dhe nr.4, dhe Agjencia për Zhvillimin

Ekonomik Rajonal, me marrëveshje partneriteti, të lidhur midis agjencisë dhe dy ose më shumë njësive të qeverisjes vendore.

3. Dërgimi i projektideve duhet të bëhet:

- c) Aplikimi *on-line* në faqen elektronike të e-albania. Shërbimi: Aplikimi *on-line* për FZHR-në (<https://e-albania.al/sherbimi.aspx?kodi=7203>.)

Ose

- d) Me shkresë zyrtare (postë ose dorazi), së bashku me dosjen e plotë të aplikimit të hedhur në CD, pranë sekretariatit teknik përkatës.